

虛心以爲天下貞萬殊一本也天不虛明而清將恐毀而裂  
矣地不虛靜而甯將恐動而發矣神不虛無而靈將恐息而  
歇矣谷不虛空而盈將恐盡而竭矣萬物不虛通而生將恐  
消而滅矣侯王不虛心謙下而自高自貴將恐顛而蹙矣聖  
人知賤爲貴之本下爲高之基故謙虛低下退遜不爭而天  
下推尊之此聖人之貴高也是以侯王自稱孤寡不穀者貴  
以賤爲本高以下爲基也非乎謂不然也言貴以賤爲本高  
以下爲基者謂之德不謂之道也夫道無貴賤無高下若以  
貴賤高下而分別之者非也豈不知數車無車乎車者總名  
也如轂如輪如輻如軸如轆逐而名之則車之名滅矣

道藏輯要

道德下經釋辭

堯

心集九  
八八、八

其意以車爲道數車爲德爲仁爲義爲禮爲智爲信逐而名  
之昭昭於心目之間德成而道隱矣殊不知道者德之體德  
者道之用也是以至人恐人貴道而賤德故曰不欲其琖琖  
然如玉之貴不欲其硤硤然如石之賤則一定之名不可易  
也一定不易則不化是以聖人不欲之

反者道之動章第四十

反者道之動弱者道之用天下萬物生於有有生於無

天地萬物無有不先反其無而復有也譬如復卦一陽之動  
必先反純靜之坤靜極而變出靜而動靜爲動之基故曰反  
者道之動也學者若知反虛復靜爲動之基則弱志虛心而

爲道之用也夫志弱則心虛虛極則靜而反其本此復性之要故曰弱者道之用也有天地然後有萬物天下萬物皆天地所生故曰天下萬物生於有也然而天地又安從生蓋其自無而有故曰有生於無也反靜復動者虛化神神化氣氣化形自無而有生人生物道之動也弱志虛心者精化氣氣化神神化虛自有之無返本還元道之用也

上士聞道章第四十一

上士聞道勤而行之中士聞道若存若亡下士聞道大笑之不足不足以爲道故建言有之明道若昧夷道若類進道若退上德若谷太白若辱廣德若不足建德若偷質直若渝大方無隅

道藏輯要

道德下經釋辭

卑

心集九  
六十一

大器晚成大音聲希大象無形道隱無名夫惟道善貸且成

上士聞道心領神會釋然無疑勤而行之也中人之資可上可下操之則存舍之則亡故若信若疑也惟下愚之人昏蔽偏執其智不足以知道其心不足以明理道聽塗說誤求盲師以迷指迷或執旁門小術或落禪空或流房中一言半句謂之口訣雖聖人以大道曉之其亦不信者下愚鈍根遮障深厚不能明了且以先入之言而爲之壘是以信不足也非惟不信而及詆謗大笑之惟其笑方見吾道如虛空而難及也此輩正如盲人騎瞎馬豈知秦越道路之適乎經云夏虫不可以語冰蓋其未見之也井蛙不可以語天其所見者小